



Pou Piblikasyon Imedya: 12/01/2021

GOUVÈNÈ ANDREW M. CUOMO

GOUVÈNÈ CUOMO PREZANTE PWOGRAM 2021 AN: RE-IMAJINE | REBATI | RENOUVLE

Nan 11yèm Diskou sou Eta Leta a, Gouvènè a Prezante Pwogram Anbisye pou Re-ouvri New York San Danje ak yon Fason Entèlijan Apre Pandemi COVID-19 la

Cuomo: "Listwa aprann nou ke pa gen kwasans pozitif nan batay oswa menm lè nou genyen gè a. Lagè sèlman sispann mal la. Sa ki dwe vin apre gè a se rekonstriksyon: ki se kote ki gen kwasans. 2021 se ap yon ane difikilte, transfòmasyon ak chanjman kontinyèl. N ap bezwen ajiste ak nouvo reyalite sosyal ak ekonomik monn apre COVID la.

Te gen limyè lè Nouyòkè yo te rasanble ak defann eta a kont anbiskad COVID la epi te pèmèt eta a sòti nan pousantaj enfeksyon ki pi wo rive nan pi ba a. Epi limyè sa a klere yon nouvo chemen posibilite pou eta nou an. Yon chemen ki di nou kapab pran swen youn lòt ak ede youn lòt. Ke diferans nou yo vin apre pwèn komen nou. Ke nou djanm, konpetan ak kapab. Ke nou kapab bati, nou kapab reyalize, nou kapab leve gwo defi epi nou kapab triyonfe. Ke nou kwè nan tèt nou ak kwè nan youn lòt epi nou kwè nan plas sa a ki rele New York. Plas posibilite sa a, plas dakèy sa a, plas resipwosite sa a, plas akseptasyon ak koperasyon sa a.

Jan New York te di monn lan depi nan premye jou a, chwa a pa te janm ant sante piblik oswa aktivite ekonomik. Se pa te janm youn oswa lòt - se te toujou tou de. New York kapab epi ap re-ouvri san danje ak yon fason entèlijan".

Jodi a, Gouvènè Andrew M. Cuomo te pwononse Diskou Eta Leta 2021 li an. Pwogram 2021 Gouvènè a - Re-imagjine | Rebati | Renouvle - prezante yon seri inisyativ pou pa sèlman kòmanse re-ouvèti New York pandan eta a kontinye travay li pou gen viktwa sou viris COVID-19 la, men tou pou atake pwoblèm enpòtan New York ak peyi a ap fè fas yo, sa gen ladan relanse retablisman ekonomik New York la; kreye yon eta ki pi ekitab, pi jis; re-ouvri eta a; tounen yon lidè nan devlopman ekonomi enèji ekolojik; ak rebati epi ranfòse enfrastrikti New York yo. Pou kapab re-ouvri New York, Gouvènè a prezante yon seri pwopozisyon ki konsantre sou jwenn fason kreyatif pou re-ouvri New York ak sipòte biznis yo nan yon monn apre COVID.

Nan kòmansman semèn sa a, Gouvènè a te anonse pwopozisyon pou genyen gè a kont COVID-19 nan rezoud pwoblèm ekonomik akoutèm New York yo epi garanti jistis sosyal ak rasyal. Pwopozisyon ki konsantre sou fè New York tounen yon lidè nan

devlopman ekonomi enèji ekolojik, epi rebati ak ranfòse enfrastrikti New York la pral anonse nan jou k ap vini yo.

"Listwa aprann nou ke pa gen kwasans pozitif nan batay oswa menm lè nou genyen gè a. Lagè sèlman sispann mal la. Sa ki dwe vin apre gè a se rekonstriksyon: ki se kote ki gen kwasans". **Gouvènè Cuomo te deklare.** "New York te di monn lan depi nan premye jou a, chwa a pa te janm ant sante piblik oswa aktivite ekonomik. Se pa te janm youn oswa lòt - se te toujou tou de. Nou elabore yon plan konplè, ki gen plizyè aspè pou lavni New York, toudabò nan kontwole pwopagasyon COVID la pandan n ap ranfòse plan vaksinasyon nou an. An menm tan, nou dwe estabilize finans eta a ak investi nan yon nouvo enfrastrikti New York ki pral ankouraje ekonomi nou an ak pèmèt moun yo tounen travay pandan n ap kreye travay lavni yo atravè pi gwo plan enèji ekolojik nan peyi a."

Gouvènè Cuomo te kontinye, "Te gen limyè lè Nouyòkè yo te rasanble ak defann eta a kont anbiskad COVID la epi te pèmèt eta a sòti nan pousantaj enfeksyon ki pi wo rive nan pi ba a. Epi limyè sa a klere yon nouvo chemen posibilite pou eta nou an. Yon chemen ki di nou kapab pran swen youn lòt ak ede youn lòt epi rekonèt entèkoneksyon ak relasyon nou yo - ke nou se yon kominote ak yon fanmi. Ke diferans nou yo vin apre pwen komen nou. Ke nou djanm, konpetan ak kapab. Ke nou kapab bati, nou kapab reyalize, nou kapab leve gwo defi epi nou kapab triyonfe. Ke nou kwè nan tèt nou ak kwè nan youn lòt epi nou kwè nan plas sa a ki rele New York. Plas posibilite sa a, plas dakèy sa a, plas resipwosite sa a, plas akseptasyon ak koperasyon sa a".

PWEN ENPÒTAN SOU RE-IMAJINE | REBATI | RENOUVLE 2021 AN

Tounen avèk Atizay an Sekirite avèk Pèfòmans ak Evènman Tanporè: New York se kapasite kiltirèl monn lan. Resous kiltirèl inik nou yo — Broadway, mize, fim, komedi, dans ak mizik — fondamantal pou ekonomi an ak lespri New York. Anvan pandemi COVID-19 la, sektè atistik ak kiltirèl 120 milya dola a te reprezante apeprè uit pousan ekonomi eta a ak apeprè 500,000 travay. Nan mwens pase yon ane, plis pase de milyon travay nan atizay kreyatif te pèdi nan nivo nasyonal, sa ki gen ladan plizyè dizèn milye travay nan New York.

Eta New York pral lanse yon patenarya ki pral òganize pèfòmans ak evènman atistik "tanporè" nan eta a apati fevriye. Plis pase 150 atis renome mondyal ki gen ladan Amy Schumer, Chris Rock, Renée Fleming, Wynton Marsalis, ak Hugh Jackman pral patisipe ansanm ak òganizasyon atistik yo tankou Ballet Hispanico, Ars Nova, Albany Symphony Orchestra, National Black Theatre, Pendragon Theatre nan Saranac Lake ak anpil lòt ke Konsèy Atistik Eta New York sipòte ki travay avèk plis pase 2,000 òganizasyon atistik nan eta a.

Sipòte Atis New York yo Atravè Inisyativ Creatives Rebuild: Eta a pral fè patenarya avèk Andrew W. Mellon Foundation pou lanse yon inisyativ Creatives Rebuild. Devlope nan patenarya avèk Komisyon Re-imaginer New York la, inisyativ sa a pral pèmèt 1,000 atis ke kriz la te afekte tounen travay epi pral investi nan plizyè douzèn ti òganizasyon atistik ki rann lokalite ak vil nou yo dinamik anpil. Atizay gen yon efè miltiplikatè sou

ekonomi an. Creatives Rebuild pral bay atis New York yo sipò pou yo kapab ede kominote ki pi dinamik yo nan New York.

Premye Entènèt Abòdab nan Peyi a pou Tout Fanmi ki Gen Revni Ba: Lè viris COVID-19 la te premye antre New York epi te kòmanse gaye byen vit atravè kominote nou yo, elèv ak granmoun yo te oblije adapte yo ak aprantisaj adistans ak travay adistans pou kenbe youn lòt an sekirite. Touswit, sa te vin klè ke wo debi inivèsèl se te yon kondisyon preyalab pou reyisi nan yon monn adistans. Aktyèlman, yon pri pou plan entènèt debaz wo debi, an mwayèn, plis pase 50 dola pa mwa. Gouvènè Cuomo pral pwopoze premye lejislasyon nan peyi a ki mande founisè sèvis entènèt yo ofri yon plan entènèt wo debi 15 dola pa mwa pou tout fanmi ki gen revni ba. Eta a pral egzijè founisè yo tou pou fè piblisite plan sa a pou asire pwogram yo atenn popilasyon defavorize yo nan Eta a. Pou konble plis mank lan, Eta a pral fè patenarya avèk Schmidt Futures ak Fondasyon Ford pou lanse yon nouvo fon sipò pou peye abònman entènèt pou elèv nou yo ki gen plis nesosite ki pa kapab peye 15 dola pa mwa pandan kriz sa a.

Aprè apeprè 500 milyon dola ki investi pou elaji entènèt wo debi pou 98 pousan eta a, New York pral dirije nasyon an tou nan rann wo debi nan pri abòdab. San wo debi abòdab, moun yo pa sèlman dekonekte, yo prive de dwa yo. Komisyon Re-imaginer New York la te rapòte bay Gouvènè a ke wo debi bon kalite, abòdab dwe disponib pou tout moun epi nan New York n ap asire sa fèt.

Fè Patenarya avèk Biznis nan New York pou Investi nan Fòmasyon Mendèv, Elaji Aprantisaj ak Ankadreman, epi Refòme Règleman sou Rekritman ak Pwomosyon: Ijans sante COVID-19 la te lakòz anpil Nouyòkè pèdi travay, kote pifò pèt yo afekte fanmi ki nan klas ba ak mwayèn yo. Menm jan an kote demann ekwasyon mendèv la enpòtan tou: Biznis yo dwe ede konsewa pwogram yo pou satisfè mank yo ak angaje pou anboche travayè yo yon fwa fòmasyon an fini.

Nan patenarya avèk Komisyon Re-imaginer New York Gouvènè a, New York ap lanse yon Pwomès pou Mwayen (Pathways Pledge) pami anplwayè prensipal New York yo, piblik ak prive, pou angaje nan refòme règleman sou rekritman talan, investisman ak pwomosyon yo epi asire mendèv ki pi ekitab aprè COVID-19 la. Jiskaprezan, gen 16 konpayi ki te fè pwomès la, sa ki afekte plis pase 120,000 travayè nan Eta New York. Nan ane 2021 an, Eta New York prevwa triple angajman sa a.

Anplwayè k ap patisipe yo te angaje pou omwen de nan sa yo: Investi nan resiklaj mendèv la; kreye opòtinite aprantisaj pou popilasyon ki pa byen reprezante yo; bay sipò anplis pou estajyè ki gen revni ba yo sou fòm gadri oswa sibvansyon pou transpò; retire egzijans diplòm segondè oswa siperyè pou nouvo anboche yo; ogmante relasyon avèk patnè devlopman mendèv ki egziste yo pou bay ase tan pou entèvyou ak opòtinite pou devlopman pwofesyonèl, epi devlope nouvo relasyon avèk founisè Eta New York yo k ap sèvi kominote defavorize yo.

Bay Bous Detid pou Travayè ki Gen Revni Ba pou Pwogram Fòmasyon Mendèv:

Pandan anpil kolèj kominotè, òganizasyon san bi likratif oswa founisè fòmasyon nan biznis yo nan New York ofri fòmasyon pou mendèv, travayè yo ki pa kalifye pou sibvansyon kolèj nan moman an dwe peye tout frè yo. Sa kapab yon obstak pou jwenn aksè ak opòtinite fòmasyon ki nesèsè yo pou genyen pi bon salè ak antre nan endistri k ap devlope yo.

Pandan New York ap rekonstwi pi byen, Gouvènè Cuomo ap anonse apeprè 5 milyon dola bous detid pou kreye plis opòtinite pou Nouyòkè ki gen revni ba rive nan klas mwayèn nan. Tankou Bous Detid Excelsior la ki te lanse an 2017, pwogram sa a pral rann pwogram diplòm bon kalite a gratis pou Nouyòkè ki gen revni ba yo, pèmèt yo akeri diplòm ki pral mennen nan travay klas mwayèn yo nan endistri ki gen anpil demann.

Devlope Sant Fòmasyon sou Entènèt SUNY an pou Konble Lakin nan Konpetans ak Okipe Travay ki Gen Anpil Demann yo:

Kriz sante piblik COVID-19 la te mennen nan yon kriz ekonomik nan Eta New York ak nan monn lan. Klas ouvriye a te espesyalman frape atravè endistri lwazi ak ospitalite, komès ak lojistik, ak vant an detay kote y ap fè fas ak pèt revni san parèy. Pandan travayè yo ap chèche nouvo opòtinite travay, pwogram sètifikasyon san diplòm yo kapab se yon mwayen enpòtan pou konble lakin yo ak okipe travay ki gen gwo demann yo.

Gouvènè Cuomo pral agrandi Sant Fòmasyon sou Entènèt SUNY gratis la pou Nouyòkè yo kapab enskri nan pwogram sètifikasyon travay anplis pou travay bon kalite nan endistri ki gen anpil demann yo, tankou swen sante ak fabrikasyon avanse. Sant Fòmasyon an pral bay plis Nouyòkè nan tout rejyon nan eta a — sòti nan kominote rural yo rive nan sant iben yo — yon lòt opòtinite pou resevwa sètifikasyon fòmasyon pwofesyonèl gratis epi jwenn admisyon otomatikman nan nenpòt nan 30 kolèj kominotè SUNY yo pou avansman karyè alavni.

Konvoke yon Komisyon sou Lavni Ekonomi New York: Gouvènè Cuomo pral etabli Komisyon sou Lavni Ekonomi New York pou pwopoze yon fèy de wout pou abòde inegalite kache ke kriz COVID-19 la te ekspoze yo, — sa gen ladan disparite sosyal ak ekonomik ke kriz la te agrave — pèmèt New York tounen travay nan travay ki peye byen ak kontinye atire moun nan tout monn lan pou viv ak travay nan New York. Komisyon an pral gen ladan manm prensipal lidè akademik, biznis, travay ak sosyete sivil peyi a. Dwayen NYU Wagner School of Public Service, Sherry Glied, pral sèvi kòm Direktè Egzekitif Komisyon sa a.

Kreye yon Rezo Tès Rapid kòm yon Zouti pou Ede Biznis yo Re-ouvri: Pandan plizyè mwa pase yo, plan re-ouvèti New York Forward Gouvènè Cuomo a te trase wout pou anpil biznis pou reprann operasyon yo san danje atravè apwòch pa faz la epi an akò avèk pwotokòl sante piblik yo. Pandan sa te libere entelijans ak kreyativite biznis New York yo — tankou nouvo espas dine anplennè ak opsyon livrezon yo — li te kreye tou gwo difikilte finansye pou endistri sa yo.

New York se te avan-gad nan devlope kapasite tès pandan kriz COVID-19 la epi li pral itilize eksperyans sa a pou ede sipòte re-ouvèti biznis yo. Eta a pral kontinye ogmante disponibilite tès yo pou ede biznis yo redui restriksyon sou kapasite yo san danje, ansanm ak travay avèk konpayi tès yo pou mete sou pye yon rezo sit tès ki adapte nan sant vil yo, kòmanse depi nan Vil New York. New York pral travay avèk gouvènman lokal yo tou pou redui nenpòt fòm alite administratif pou kapab etabli enfrastrikti enpòtan sa a rapid. Avèk nouvo rezo lokal pou fè tès rapid sa yo, yon kliyan pral kapab antre nan yon nouvo sant tès rapid, fè tès, epi libere nan 15 minit apre pou ale manje oswa gade yon fim. Sa ap bay yon kouch pwoteksyon ak konfyans anplis pandan Nouyòkè yo ap reprann aktivite ekonomik yo.

Anplis de sa, pou ede anplwayè yo mennen plis travayè tounen nan biwo yo, New York ap fè patenarya avèk ajans imobilye komèsyal prensipal yo nan Vil New York ke yo pwomèt pou mete a dispozisyon lokatè yo tès dyagnostik COVID-19 nan to mache a nan bilding yo. Pi gwo operatè komèsyal yo ki gen plis pase 100 milyon pye kare espas komèsyal nan Vil New York te deja angaje ak pwomès sa a. Depatman Sante a pral pibliye tou direktiv sou pi bon pratik pou fè tès nan biwo pou kapab sipòte inisyativ la.

Retransfòme Espas Komèsyal ki Pa Itilize Ase yon fason kreyatif pou lojman

siplemantè: Pandan pandemi COVID-19 la ap dewoule, New York, tankou eta yo toupatou nan peyi a, konstate yon ogmantasyon nan teletravay ak yon rediksyon nan vwayaj. Vil New York dwe, epi li pral rete, yon sant komèsyal mondyal nan asire ke Vil la rete lye esansyèl pou biznis ki pi inovan ak biznis ki reyisi nan mond lan ak anplwaye pa yo. Demann redwi pou espas biwo ak otèl deja kreye yon opòtinite pou retransfòme ansyen espas komèsyal ki gen pi gwo potansyèl pou itilize kòm lojman, enkli lojman abòdab ak sipò, pou kreye katye dinamik ki aksesib 24 sou 24, 7 jou sou 7.

Gouvènè Cuomo pral pwopoze lejislasyon pou kreye yon peryòd senk ane kote mèt pwopriyete yo ka konvèti batiman biwo yo ak otèl nan Vil New York pou itilizasyon rezidansyèl. Anmenmtan konvèsyon lojman pral kreye dè milye djòb ki byen peye, ogmante lojman nan pri abòdab, ak sipòte kwasans ekonomik alontèm nan ede anplwayè New York yo atire ak kenbe talan.

###

Lèt nouvell disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)